



सानसेयारि **“बड’सा”** ख्रीस्ताइयाव
स्माज्यादि जिउजो लोब्बा थानाय रायथाय, खन्थाय,
स्ल’, स्ल’बाथा आरु दावबायादि थावनि, पार्क
बाइदिनि स्थाय लिन्नाय लिन्दिना दैथाय डर/
सानसेयारि **“बड’सा”** ख्रीस्ताइया सेबस्त्रानै
फोस्वावगेन/
बड’सायाव लिन्नायनि हुडा खालाम,
“बड’सा” ख्री नोथां, जो बयबो आंगो खालाम/
सानसेयारि बड’सा मावकुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Sunday ★ 17 August, 2025 Kokrajhar, BTC, Assam ★ Vol.-35, Issue No.143 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

हाग्रानि मैदेरनि गाग्लोबनायाव सासे सुबुनि जिउ खहा

उदालगुरि, 16 आगस्ट: दिने
फिन हाग्रानि मैदेर आरो सुबुनि
जुजिलायनायनि गेजेराव भारत-
भुटान सिमना ओन्सोलआव
मोनसे दुखुनांथाव थासारि
लाबोदों। राइज्योआव फिन मैदेर
आरो सुबुनि जुजिलाइनाया
सानफा-एफा बांलांगसिनो
दडा। दिमाकुसिनि राजागरआव
सानआवनो फुनि समाव मैदेरजो
गाग्लोबजानानै सासे सुबुनि
जिउ खहा जायो। जिउ
गोमानाय सुबुनखो राजागरनि
भुपेन देका (55) होन्ना
(□ 6 बिलाइआव)

सरकारि सावस्त्रि मिरुफोराव गोनांथार 353 मुलिफोरखौ मोनो हासिगोन: अशक सिंघाल मन्थि अशक सिंघालआ बाक्सयाव जौगालु बिथांखिनि लाइखुन्थिया गाइसन्दों



बाक्सा, 16 आगस्ट: बाक्सा जिल्ला सालबारि महकुमानि गोबां
थावनिफोरखो दिने आसाम सरकारि सावस्त्रि आरो नख’र अन्साइ
एबा दै रन्सार बिफाननि मन्थि अशक सिंघालआ गोबां जौगालु
खामानिफोरनि लाइखुन्थिया गाइसोनो। मन्थिआ फुडव रडिया
आदर्स फरायसालिनि बेसेननाइ (□ 6 बिलाइआव)

रोगाथाइ राहायाव आगानसे दावगाबावनानै कक्राझाराव गोदानै बास्टेन्ड बेखेवदों



बर’ राव फोसावनयनि थांखिजों आसाम डन बस्क’ मुलुग सोलौंसालिमायाव सावराय मेल खुंफुदों



गुवाहाटी, 16 आगस्ट: गुवाहाटी नोगोरमानि साखाथियाव थानाय
आजारनि आसाम डन बस्क’ मुलुग सोलौंसालिमायाव थांनाय 8
आरो 9 आगस्टआव राहा खालामग्रा बिफाननि बान्जायनायाव
आरो एआइसिटिडिनि हेफाजाबआव ‘भिएएनआइ’ बिथांखिनि
सिडव 2 सानआरि मोनसे सावरायमेल खुंफुनाय जादों। सा-
सान्जा भारतआव सोमखोर (□ 6 बिलाइआव)

राजखान्थिखौ गावनि थै आरो मेलेमआव सोनानै लानाडा : प्रमद बर’ फैगौ बिसायख’ थियाव बड’लेण्डनि राजखान्थिनिफ्राय बिपिएफआ गोमागोन

कक्राझार, 16 आगस्ट:
जिउजों लोगोसे राजखान्थि
खालामनाया गाहाम नडा होन्ना
बिटिआरनि गाहाइ मावफुं
सोद्रोमा प्रमद बर’आ
फोरमायदों। सोरथाथाइ
(□ 6 बिलाइआव)

दुलाराय आसामआव आथिखालआव गं 100 स्टेडियाम लुफुंगासिनो दं: गिबि मन्थि

आसाम क्रिकेट गौथुमनि क्रिकेट एकाडेमि आरो गुवाहाटी टाउन क्लबनि जोलुर एकाडेमिनि बिल्डिं बेखेवदों

दिसपुर, 16 आगस्ट:
आसामनि गिबि मन्थि डं
हिमन्त बिश्व शर्माआ दिने सा
गुवाहाटीनि फुलुखव आसाम
क्रिकेट गौथुमनि गोदान मुगानि
क्रिकेट एकाडेमि आरो गुवाहाटी
टाउन क्लबनि जोलुर
एकाडेमिनि अरायथा बिल्डिंखौ
बेखेवनानै होयो। आसाम
क्रिकेट गौथुमनि क्रिकेट
एकाडेमिनि लांगोनायाव मोन
10 प्रेकटिस उडकेट, मोन 5



सेन्टर इउकेटजों लोगोसे मोनसे
क्रिकेट गेलेग्रा फोथार, भारतनि
गेजेरावनो देरसिन मोन 10
उडकेटजों इन्डर क्रिकेट हल,
गेलेग्राफोरनि थाग्रा खुलि
बायदिनि अनगायैबो (□ 6 बिलाइआव)

बरबारिआव गोदानै लुफुं जानाय आदर्श अंगनबादि मिरु न’खौ मन्थि इउ जि ब्रह्मआ बेखेवदों

मुसलपुर, 16 आगस्ट :
आसाम सोरखारनि केबिनेट
मन्थि इउ. जि. ब्रह्मआ दिने
बाक्सा जिल्लानि बरबारिआव
मडेल अंगनबादि मिरुनि गोदानै
लुफुं नाय न’माखौ बेखेवना
होयो। बे बेखेवनाय
हाबाफारियाव बिथांजों लोगोसे
बाक्सा जिल्लानि जिल्ला बैंगि
गौतम दास आरो बाक्सा
जिल्ला समाज अनसाइ
मावख’गिरि सोमान्ता प्रदीप
चौधुरीबो दंमोन।
गथ’साफोरजों लोगोसे
बिमाफोरनि जौगानायनि



थाखाय रायजो सरकारआ
मोनफ्रोमबो बियाबाव मडेल
अंगनबादि मिरु लुनो थाखाय
गंफ्रोमबो अंगनबादि मिरुनि
(□ 6 बिलाइआव)

कक्राझारनि निसान्त शर्माआ मोन्थाम रुबिक्स क्युब समाधान खालामनानै “इण्डियन बुक अफ रेकर्ड” बिमुं आरजिदों



कक्राझार, 16 आगस्ट: कक्राझारनि सासे 12 बेसोर बैसोनि
गथ’साया 1 मिनिट 58 सेकेण्डल’आव मोन्थाम रोखोमनि रुबिक्स
क्युब समाधान खालामनानै “इण्डियन बुक अफ रेकर्ड
(आइबिआर)” नि बिमुं आरजिनो हादों। मिबथिनो मोन्नाय बायदियै
गथ’साखौ कक्राझार सोहोरनि रबिन्द्र नोगोरनि बिजय शर्मा आरो
सितु शर्मानि नैथि फिसान्ता निसान्त (□ 5 बिलाइआव)

बाक्साआव मन्थि उर्खाव गोरा ब्रह्मआ हाग्रामा महिलाखिखौ सौंखारिदों ‘हाग्रामाआ बे खेबआव खाबु गोनां राजखान्थिजोंसो बिसायख’ थियाव बाहागो लागोन’

भबानिपुर, 16 आगस्ट:
थानाय समफोराव बिटिसिआव
इउपिएल आरो बिपिएफआ
खौसे जानायनि फारसे बाथ्रा
बुं नाय इउपिएलनि
गायसनगिरि आफादगिरि आरो
आसाम सरकारनि केबिनेट मन्थि
उर्खाव गोरा ब्रह्मआ दिने
बिपिएफनि गाहाइ हाग्रामा



कुमारिकातानि सप्ताहयारि हाथाइआव कंग्रेसनि आफादगिरि गौरब गगैआ दावबायफैदों

**राइजो-राजाफोरनि, गोदान जोलैनि थाखाय, लामा
जौगाखांनयनि थाखाय कंग्रेस दोलो: गौरब गगै**

तामुलपुर, 16 आगस्ट:
बिटिआर बिसायख’थिनि
बिथोनमाया फोसावजायैयावनो
बिटिआरआव राजखान्थियायि
दोलोफोरनि बिसायख’थि
फोसावदिनाया गोखौनिफ्राय-
गोखौंसिन जादों। दानसेनि
गेजेरावनो कंग्रेसनि आफादगिरि
गौरब गगैआ खेबनै (□ 5 बिलाइआव)



बिटिआरआव दावबायफैदों।
माखासे सान सिगां आसामनि
गिबि मन्थि डं हिमन्त बिश्व
(□ 5 बिलाइआव)

बायदि रोखोमनि आयदायाव बिहोमा थानाय सा 6,381 सुबुंफोरनो मान बाउदों

‘बिमा सिबिनाय बिथांखिनि सिडव मुंख्लनि बिमानो दानफायाव 1 रोजा राडै गथायगोन: प्रमद बर’



कक्राझार, 16 आगस्ट: बर’
हारिखौ सिगांलां होनायनि
बिथिडव राव-थुनलाइ, हारिमु,
बर’ सोमावसारनायजों लोगोसे
बायदि आयदायाव बिहोमा
थानाय सा 6,381 सुबुंफोरनो
मैया शुक्रबारखालि बिटिआर
सरकारआ हाबाफारि बायदियै
बराय मान बाउदों। कक्राझारनि
(□ 6 बिलाइआव)

‘थागिबि मावसुमा बिथांखि’नि सिडव हादरनि 324 जिल्लानि 61,841 गामिफोरखौ हमफादों

कक्राझार, 16 आगस्ट: भारत सरकारनि
जनजातियारि मावफुं बिफानआ’ थागिबि मावसुमा
बिथांखि’ मुडै मोनसे थांखि गोबां एबा बां
मोखाडारि हाबाफारि आखाइयाव लादों। जायनि
थांखिआ रांखांथियायि आरो समाजखांथिखौ
सरेखाथि खालामनायाव सरकारि बिथांखिफोरा
जाफुंसारो आरो बाहागो लागिरिफोरनि

मावफुंनयनि गेजेरजों जनजातियारि समाजनि
फारफ्रोम बिथिनि जौगाखांनया मोखथां महर
मोनो। बेजों लोगोसेनो नांगो जानाय फोरोंथाइनि
गेजेरजों सरकारि मावफारियाफोरनो बायदि
मावसुमा महर फोर्जोखांनयनि नाजानो आखाइयाव
लादों आरो गामियारि थाखोआव राइजो-
राजाफोरखौ थोंजों (□ 6 बिलाइआव)

NERIM
Approved by AICTE, NCTE & BCI
(Govt. of India)

NERIM
Your Academic Home
Affiliated to Dibrugarh University,
Gauhati University & ASTU

We are proud of our students for their Outstanding performance in
B.A LL.B (Hons) Final EXAMINATION 2025 under Dibrugarh University.

 Pouliani Bhattacharjee 1st Class	 Disha Mazumdar 1st Class	 Dorothy Deka 1st Class	 Krishmita Devi 1st Class	 Papari Bargohain 1st Class
 Jyotiska Borah 1st Class	 Sahil Rana 1st Class	 Jeshmin Zaman 1st Class	 Afrith Rahman 1st Class	 Junmoni Gogoi 1st Class
 Nandita Acharya 1st Class	 Irin Sultana 1st Class	 Jupitara Sutradhar 1st Class	 Toingam Boham 1st Class	 Shweta Sen 1st Class
 Rini Linggi 1st Class	 Nilakshi Mali 1st Class	 Kh Henthoi Singha 1st Class	 Mayesha Mamataj 1st Class	 Cherik S.K. Marak 1st Class
 Nibedita Kalita 1st Class	 Akwila Khongkiam 1st Class	 Sujata Singh 1st Class	 Rituparna Das 1st Class	 Manashree Devi Kashyap 1st Class
 Riblee Akhtar 1st Class	 Haphawanki Dhar 1st Class	 Syeda Asmina Dewan 1st Class	Achievements & Awards... # Recipient of CSR Top Institute of India Award for consecutive years. # Recipient of Times Best B-School Award. # Recipient of ABP News Outstanding Institute in East National Education Award. # Recipient of Asia's Education Award by International Brand Consulting Corporation, USA. # Excellence in Campus Placement in Assam by News18 Assam.	

ADMISSION is going on for the following courses for the Academic Session 2025-26.
Admissions shall be conducted as per Regulations of the Affiliating University.

BBA LL.B(H) BALLB(H) PGDM M.Com
MBA MBA(P/T) MCA MSW MA(App. Psychology)

OTHERS COURSES...
BCA BSW B.Com(H) BA (Psychology) M.Sc.(Computer Science)

Prof. (Dr) Sangeeta Tripathi, Director, NERIM Group of Institutions
Padma Nath Sarmah Bhawan, Jayanagar, Khanapara, Guwahati - 781022
Call : 9954190758 / 9954051419 | www.nerimindia.in | nerimindia@gmail.com

सुजुगिरिनि खोलोम

मिथिंगाया मोजांब्लासो

जिउ-जिबिनिबो मोजां

बुहुमाव जिब-जुनात थानानै थानायाव मिथिंगाया सान्थ्र' हायै, मिथिस' हायै सोमोनांथाव निदान सुंबोदों आरो सुंगासिनो थानाय नुनो मोनो। अबंलाउरिया सोरजिनाय गसिबो बिफां-लाइफां, हाजो-हाला, दैमा-दैसा, बिलो-बिलोमा, जिब-जुनात, दावमा-दावसा, एम्फो-एनलाफ्रा देलाइसि बुहुमखौ समाय होनायजों लोगोसे जिब-जुनात थानानै थानायाव अन्जिमा गैयै हेफाजाब होबोदों। मिथिस' हायै मुगआवनो बुहुमाव गोनां जिरातखौ इशोरा सोरजिनानै होखादोंमोन। नाथाय इशोरा सोरजिनाय माखासे जिब-जुनात बिफां-लाइफांफ्रा मानसिनि इनाय अनागारियावनो जोबसांदों, मुगानि सोलायबोनाय बोथोरनि थाखाय जादों, एबा थानो जायगा जोबनायनि थाखाय जादों। बुहुमनिफ्राय लासै लासै गोमोर लांनो हमदों। इशोरा माखासे सोरजिनाय जिरातफ्रा गोमाबोनाया जिब-जुनात थानानै थानायाव गोमोम खहा जानो हागौ। मानोना इशोरा गसिखौबो गोनां सान्नानै सोरजिखादोंमोन। मोनसे नडाब्ला मोनसेया थानानै थानाया गोब्राब।

गामिफोराव गोदो-गोदाय डाक्टर गैयामोन। आखाय बौब्ला जार्मान बिलाइखौ देग्लिनानै होनाय, उदै सायोब्ला एबा उदै गात्रि जायोब्ला खिफि बेन्दों एउनानै जाहोनाय आर्थि आखाय बायोब्ला हाग्रानि बिफां-लाइफांनि बिलाइखौ देनानै खाथबना होनानै मोजां खालामनाय नुनो मोनोमोन। बेबादि मुलि गोथांजों आईथिं-आखाय बायनायखौ फाहामनायनि थाखाय फाहामनो गोलैं जानानै फैबाय। आर्थि खुब खुब मोनब्ला लोमस्रो साग्रो मोनब्ला उसुमाय(जारि बिजौ) आरो माखासे बिफां-लाइफांनि बिलाइ रोदाखौ फुदुनानै फानलु बिदे लौनाइ जायगा जायगा जों दासिमबो नुनो मोनो। बे उसुमायफ्राबो जोबलांनो हमदों। आयुर्वेदिक एल'पेटिक, होमिअ'पेटिक गसिबो मुलिफ्रा बिफां लाइफांखौ नेउसिनानै जानो हाया। गोलोम बोथोरव बांद्राय गोलोमनायखौ होबथानो हायाब्ला बिफांनि साइख्नुम नागिरना बै बिफां सिडव जिरायग्रा हुदाया बयहाबो दं। मोसौखौ हाल एवनो, गायखेर जानो फिसियो। बे मोसौनोबो थानानै थानो गांसो ,हाग्रा-बंग्रा नांगौ। जों एम्फौ फिसियो। बे एम्फौनि फियोब आरो खुन बिफांनि खुनखौ खुन्दुं लुनानै सि दानानै मानसिया गावनि लाजिनायखौ फांथेयो आरो गोजां जानायनिफ्राय गोजानाव थायो। हाखर-हाला, दुब्लिनि एम्फोफ्राबो माइ बारियाव माइ बिफांखौ खहा खालामनो हानाय माखासे एम्फोफोरखौ जानानै माइबिफां मोजां जानायाव हेफाजाब होयो। नाथाय मानसिफ्रा बेफोर एम्फोफोरखौबो बुथारनानै गोजोन्नाय मोनो। दावमा-दावसाफ्रा फिथाय जानानै खिनाइ फिथायनि बेगरनिफ्राय बिफां-लाइफां फेहेरनायाव हेफाजाब होयो। बबेबा बबेबा दावमा-दावसा, जिब-जुनातनि मेजेमखौ मुलि बाहायनाय बयबो नुयो। नाथाय बेफोर गसिबो थानानै थानो थाखाय हाखर हाल्ला, बिफां-लाइफां नांगौ। जायगा जायगा बिफां-लाइफां जोबनाय लोगो लोगो बिलो आरो निजिराफ्रा रानलांनाय मानसिनि मेगनाव गोलैयालासिनो थायाखै। बिफां बिलाइफ्रा अक्सिजेन होन्नाय मोनसे गेस सानाव हगारो। जाय गेसया मिनिटसे गैयाब्ला जिब-जुनात थानानै थानाया गोब्राब। बे गेसआ बिफां-लाइफां गैयाब्ला खहा फैगोना रोखा।

दिनैनि फान्जामुधि

राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ़ फ) मकर : ख ज कुम्भ : ग श (स) मीन : द च (ख ज झ)

मेष : मानिबा थाखाय खस्थ' मोन्नांनो हागौ। गोसो हमथानानै सोलिनांगोन।

बृष: माबाफोर बेरामआव गोर्लैबायनो हागौ। जैरैबो सांग्रां जानानै थानांगोन।

मिथुन: गोसोआव माखौबा लानानै गिखांनाय मोन्नो हागौ। गोसोखौ लोरबां खालामनो नाडा।

कर्कट: दिनैनि सानआव गोबां रं खरसा खालाम नांनो हागौ। सानै हयै खामानिखौ मावनाया गाहाम।

सिंह: लोगो दिगि जालायनानै थानाया बांगोन। जेगवबो हेफाजाब मोन्नो हागोन। मोजां सान।

कन्या: फारफ्रोमथिंबो मोजां। जैरैबो समायना खालामनानै लानो हागोन। गोजोन मोनगोन।

तुला: लोगोफोरनि हेफाजाब अन्नाय मोन्नो हागोन। फारफ्रोमथिंबो मोजां। गोजोन मोनगोन।

बृश्चिक: नख'रआव दावराव-दावसि जानो हागौ। गावस्सालायनाय जानोबो हागौ। गोसोखौ हमथा।

धनु: गोबाव समनि उनाव गावनि आंगो लोगोखौ मोनगोन। गोजोन मोनगोन।

मकर: गावनो गाव गोसोखौ शान्ति गैयै मोनगोन। जेखि जाया गोसोखौ हमथानानै सोलिनांगोन।

कुम्भ: जैरैबो दुखु खस्ट'जों साग्लोबनानै थागोन। गोजोन्नाय गैयैजों सम बारहोनांगोन। गोसोखौ हमथा।

मीन: माबाफोर सुजुग-सुबिधा मोन्नो हागौ। मुलाम्फा जगोन। मोजां सान।

हिमालचलआव अखा आरो हा गिसिखानायनि जाहोनाव सा 247 सुबुंफोरनि जिउ ख'हा, सा 329 जोखोम

शिमला, 16 आगस्ट : हिमाचलआव अखा आरो हा गिसिखानायनि दोहौ सोलिगासिनो दं। राइज्योआव बोथोर गात्रिनि जाहोनाव दामसाव मोन 458 लामाफोरा बन्द' जानानै दं। बेयाव मोन 3 नेशनेल हाइवेआबो दंफायो। हिमाचल प्रदेश राइज्यो अलखद सामलायग्रा अट'रिटिआ थानाय 24 घन्टायाव गोबां अखा हानायनि जाहोनाव गोबां ख'हा जायो। रिपर्टनि बायदिब्ला, राइज्योआव गासै मोन 455 लामाफोरा बन्द' जानानै दं। बेयाव मोन 3 माहारियारि राजा




लामा। एनएइच-305, एनएइच-05 आरो एनएइच-707 आबो दंफायो। लामा

बन्द'नि केसआव बयनिखुइ बांसिन गोहोम गोर्लैनाय जिल्लाया कुल्लु, जेराव मोन 73

लामाफोरा बन्द' जाना दं। बेनि उनाव मन्डीआव 58 आरो शिमलायाव 58 लामाफोरा

इम्युन'थेरेपि मुलिआ केन्सारनि फाहामथाइयाव मोजां फिथाय होदों

गोदान दिल्ली, 16 आगस्ट : केन्सारा दिनैनि मुलुगनि बयनिखुइबो देरसिन सावस्त्रियारि सेलेन्सफोरनि गेजेराव मोनसे। नेम-खान्थियारि फाहामथाइ बायदि किमथेरेपि आरो रेडिएशनआ जिबखिफोरखौ नोजोर लाखिनायजों लोगोसे सम-सम देहानि गोम्गो जिबखिफोरखौबो ख'हा खालामो। बेनि गेजेरजों मोनसे गोदान फाहामथाइ इम्युन'थेरेपिआ बिगियानिक आरो बेमारिफोरनि थाखाय मिर्जिनि सोरां जानानै नुजाथिदों। इम्युन'थेरेपिआ मोनसे औरैबायदि फाहामथाइ, जेराव देहानि गावनि इम्युनिटि सिस्टेमखौ केन्सारनि हेंथायै गोखों खालामनाय जायो। बेयो थोंजोडै केन्सार जिबखिफोरनि सायाव गाग्लोबो आरो गाहाम जिबखिफोरखौ खम ख'हा खालामो। बावैसो सिगां बेनि गोखों महरा जागायजेन्नाय नायबजिस्नायफोराव गोमोथाव फिथाइ दिन्थिदों। गिबियानगिरिफोरा सिडि 40



एगनिस्ट एन्टीबडिज मुंनि मुलिफोरनि मोनसे गोदान महरै दिहुनो। सिगांनि नायबजिस्नायाव बे मुलिफोरनि मोनसे गोदान महरै दिहुनो। सिगांनि नायबजिस्नायाव बे मुलिफोरा केन्सारनि जिबखिफोरखौ फोजोबनायाव बानजायजाथाव महरै फोस्मान जायो। नाथाय बेनि गिखंथाव फिनजाथाइ महरै बुखांनाय, प्लेटलेटसनि आंखाल आरो लिभाराव गात्रियै गोहोम गोर्लैनायाबो नुजाथियो। बे सेलेन्सफोरखौ नोजोर लाखिनानै 2018 आव आमेरिकानि रकफेलार इडनिभासिटिनि मोनसे टीमआ

बेखौ जौगाखां महरै दिहुनो। गोदान मुलिया गिबि खोलोबनि क्लिनिकेस आन्जाद नायनायफोराव जोबोद पजिटिभ फिथाइ होदों, जायखौ 2141-VII मुं होनाय जादों। बे आन्जाद नायनायाव बाहागो लानाय सा 12 बेमारिफोरनि गेजेराव सा 6 नि टिउमारा फिसा जायो, जायफोरनि गेजेराव सानै बेमारिफोरनि टिउमारा आबुडै जोबो। जर'खा बाथ्राया बेनोदि, बे मुल्लिनि गोहोमा इन्जेक्शन थुनाय जायगाजों लोगोसे देहानि गुबुन बाहागोफोरनि टिउमार्खौबो बेमार होबथाग्रा जिबखिफोरनि गेजेरजों सिलिंखार खालामो।

उदांस्त्रि साननि मुखुब थानाय समाव उदालगुरियाव 25 लाख रां बेसेननि गान्जा जब्द' खालामनो हादों



गुवाहाटी, 16 आगस्ट: उदालगुरि पुलिसआ थानाय शुक्रबारखालि मोनसे थांखिनाय फेग्रा बेसादिनि हेंथा अपारेशनाव आसामनि माजबाट पुलिस स्टेशननि सिडव थानाय रुपा र'डनिफ्राय 50 किल'ग्राम मान्डाखौ 25 लाख रां बेसेनजों

लोगोसे जब्द' खालामो। 79 थि उदांस्त्रि साननि फोर्बोंनि गेजेरजों खुंनाय सिग्रोमनाया मोनसे सन्देह' खालामथावखौ ग्रेप्टर खालामनायनि फिथाइ होयो आरो बे राज्योनि सोलिबाय थानाय फेग्रा बेसादिनि हेंथायै दावहा

हाबाफारिनि बाहागो। बे नायबजिस्नायाव बिबानगिरिफोरा माजबाट पुलिस स्टेशननि गेजेरजों रुपा र'डनिफ्राय 50 किल'ग्राम गान्जा बोखाडो, जायनि बेसेना आयेन बेरेका बाजायाव 25 लाख रां। बेजों लोगोसे बिसोर सासे सुबुंखौबो ग्रेप्टर खालामो। आथिखालाव ग्रेप्टर खालामनाय सुबुंफोरखौ जिम्मायाव लाबाय आरो एनडिबिएस नेम-खान्थिनि गेजेरजों केस थिसनो। बे जब्द' खालामनाया आसामनि सोलिबाय थानाय निसानि हेंथा दावहा हाबाफारियाव आरो मोनसेबाव जाफुंस्सारायखौ दिन्थियो।

मणिपुरआव सा 5 उतखारिफोरजों लोगोसे गोबां बिबांनि हाथियार आरो गुलि-बारुदफोर बोखांदों

इम्फल, 16 आगस्ट: रैखाथि हान्जाफोरा मैया मणिपुर हायेनआव गुबुन गुबुन अपारेसनफोरनि समाव उतखारि आफादफोरजों लोब्बा गोनां सा 5 सुबुंफोरखौ हमदों आरो गोबां बिबांनि हाथियार, गुलि-बारुद आरो जुथाय फोरमानफोर बोखांदों होन्ना बिबानगिरिफोरा शनिबारखालि फोरमायो। बिबानगिरिफोरनि बादिब्ला, हमजानाय सुबुंफोरा जरजुलुमै रां लानाय केसफोरजों लोब्बा दडमोन, जायफोरा हायेन जिल्लाफोराव थाव पाम्प, सरकारि मावसुमाफोर, गला आरो सोलौंथाय आफादफोरनिफ्राय रां दाबि दैखानानै लायोमोन। मोनसे अपारेसनआव थौबल जिल्लानि खंजम पुलिस स्टेशननि गेजेरजों लंथाबल खुनौनिफ्राय कांलेइपाक कमिउनिस्ट पार्टि-तैबनबा (केसिपि-तैबनबा) नि साब्रै एक्टिभ सोद्रोमाफोरखौ हमो। बिसोरनि बेंखननिफ्राय गं 5 मबाइल फन, 1,666 नोगोद रां आरो गांनै आधार कार्ड बोखानो हादों। गुबुन



मोनसे नायबजिस्नायाव होबथाजानाय प्रनि सासे सोद्रोमाखौ सान्जा इम्फलनि परमपत पुलिस थाना सिडव थानाय सइबाम लेइकाइ ओन्सोलनिफ्राय हमनो हायो, जायखौ चाबुबम केनेडी सिंह एबा चिंशुवा मुडै सनायथि होनाय जादों।

बन्द' जाना दं। चाम्बा आरो कांडाजों लोगोसे गुबुन जिल्लाफोरावबो गोबां अखा हानायनि जाहोनाव माखासे लामाफोरबन्द' जानायनि खौरां मोन्नाय जादों। कुल्लुआव हरखाबै फैनाय दै बाना, गात्रि लाइनफोर आरो बिफांफोर बायनायनि जाहोनाव हान्था-मेलाया गोहोम गोर्लैयो। बेनि अनगायै राइजो नाडै मोन 182 दै जगायनाय बिथांखिफोराव जे'ना सोमजिदों। मन्डि जिल्लायाव जर'खाय गात्रियै गोहोम गोर्लैदोंसे जेराव मोन 58 बिथांखिफोराव गोहोम

गोर्लैदों आरो कांडा आरो शिमलाआव 41-41 बिथांखिफोरा गोहोम गोर्लैदों। रिपर्टनि बायदिब्ला, हिमाचल प्रदेशआव मौसुमि बोथोराव सा 247 सुबुंफोरनि जिउ गोमायो आरो सा 329 सुबुंफोरा जोखोम जायो। 15 आगस्टआव फोसावनाय बे रिपर्टआ थानाय 20 जुननिफ्राय 14 आगस्टसिमनि समखौ कभार खालामो। गासै सा 247 थैनायफोरनि गेजेराव सा 130 आ अखाजों सोमोन्दै गोनां जाथाइफोराव थैनाय आरो सा 117 आ लामानि जाब्रथाइफोराव जिउ गोर्लैदों।

किस्तवाड़आव थामथि सानावबो बोखांनायनि हाबाया गोर्खोडै सोलिदों



रेहाय होनो नाजानायफोरखौ नायबजिरो। दासिमाव सा 46 गोथै सह'फोरखौ सिनायथिखांबाय आरो आयेनारि नायबजिस्नायखौ आबुं खालामनायनि उनाव बिसोरखौ नख'रफोरनो गथायना होयो। बेनि गेजेरजों सा 75 सुबुंफोर गोगामानायनि खौरां होदों, जायफोरखौ दैबानायाव गोजावलांबाय आरो गिदिर अन्थाइ-दंफां आरो बायखोन्दा मुवा-

बेसादफोरजों होसिनजानानै दं होन्ना सन्देह' खालामनाय जादों, थैनायफोरनि गेजेराव सिआइएसएफनि सानै जवान आरो जायगानि पुलिसनि सासे एसपिअआ दंफायो होन्ना बिबानगिरिफोरा फोरमायदों। बे जाथाया 14 आगस्टनि सानजौफुनि 12:45 रिंगायाव मचेल माता मन्दिर थांग्रां लामायाव गोर्लैनाय जोबथा गामि चिसौतीआव जादों होन्ना सुलुडव फोरमायनाय जादों।

पुतिनजों लोगो हमनायनि उनाव ट्राम्पआ गिदिर खौरां फोसावदों



गोदान दिल्ली, 16 आगस्ट : आमेरिकानि हादतगिरि उनाल्ड ट्राम्प आरो रासियानि हादतगिरि भ्लाडिमिर पुतिननि गेजेराव अलास्काआव लोगो हमज्जलायनाय जायो। सानै दैदेनगिरिफोरनि गेजेराव माखासे घन्ट्यासिम सावरायनाय जायो। सुलुंनि बायदिब्ला सानै दैदेनगिरिफोरनि गेजेराव जानाय बे जथुमयाव जेबो आयदानि सायाव गनायलायनो हायाखै। अदेबानि भारतआबो सानै दैदेनगिरिफोरनि जथुमनि सायाव

नोजोर लाखिदोंमोन। आथिखालाव पुतिनजों लोगो हमलायनायनि उनाव ट्राम्पनि रावआ सोलायो। जेब्लाबो टेरिफखौ लानानै बिबुंथि होग्रा ट्राम्पआ आथिखालाव बेनि गोनांथि गैलिया होन्ना बुडो। पुतिनजों लोगो हमलायनायनि उनाव ट्राम्पआ मिडियानि

सिगाडव फिन्नाय होयो। बे समाव ट्राम्पनाव रासियानिफ्राय थाव बायग्रा हादतफोरनि सायाव उफ्रा टेरिफ जाबसिन्नायनि सायाव 2-3 सप्ताहनि गेजेराव सावरायनो हागौ। बावैसो सिगां सानफोराव ट्राम्पआ रासियाजों लोगोसे फालांगि खालामग्रा हादतफोरनि सायाव सेक्रेट्टरि होबथानाय जाबसिनगोन होन्ना फोसावदोंमोन। बिथाडा रासियानि सायाव 100 जौखोन्दो टेरिफ जाबसिननोबो हुमखि होदोंमोन।

Name Correction

That, my actual / correct name and surname is **RATENDRA BASUMATARY**, which is recorded in my Elector Photo Identity Card, Vide Card No.- HJL1445905 and PAN Card, Vide Card No.- ATFPB2772G and other relevant documents.

That, in the Land Documents / Records, covered by Dag No.- **4186**, Patta No.-**486**, wherein my name and surname has been recorded as **RANENDRA BASUMATARY** instead of **RATENDRA BASUMATARY**.

That, I do hereby declare that **RATENDRA BASUMATARY** and **RANENDRA BASUMATARY** is the same and one identical person, who is none other but myself.

RATENDRA BASUMATARY,
S/O. Sibcharan Basumatary,
Hatimatha, W/No. 8
P.O., P.S. & Dist.- Kokrajhar, BTR, Assam,
PIN-783370,

मुलुगनाडै आथोनारि उत्खार जाथाया 25 जौखोन्दो बांसिन्दों

इउएन, 16 आगस्ट: मुलुगनाडै सोलिबाय थानाय दावहा आरो दाडा-बाजिफोरनि बेसेनखौ आइजो आरो हिन्जावसाफोरा सुख'नांगसिनो दड। 1 बोसोरनिफ्राय लानानै 75 बोसोरसिमनि आइजोफोरनि सायाव जानाय जिनाहारनि केसआ 25 जौखोन्दोसिम बांबाय। इउएननि रिपर्टनि बादिब्ला, बयनिखुइ बांसिन केसआ आफ्रिका गणराज्य, कांग, हुति, समालिया आरो खोला सुडानआव नुजाथिदों। इउएनआ गिबि खेब रासिया आरो इजरइलनो सांग्रांथि होनानै आथोनारि उत्खार केसनि सायाव कन्ट्रल खालामनो बोसोन होदों। गाहाइ नेहाथारि एन्टनीय गुटारेसनि फार्सेनिफ्राय फोसावनाय बोसोररि रिपर्टआव बुंदोंदि, 2024 आव 4,600 निखुइ बांसिन सुबुंफोरा आथोनारि उत्खारनि मेहर जायो। रिपर्टनि गोसोम फारिलाइआव 1 दर्जन हादरफोरनि मोन 63 सरकारि आरो सरकारि नडै दोलोफोरनि मुं दड, जायफोरनि सायाव दावहानि समाव जिनाहारि आरो गुबुन रोखोमनि आथोनारि उत्खारनि थाखाय दाय थानायनि सन्देह दडआरो बेयाव हमासनि उत्खारिफोराबो दंफायो। इउएननि गाहाइआ बुंदोंदि, फारिलाइआव थानाय दोलोफोरनि गेजेराव 70



जौखोन्दोनिखुइ बांसिनखौ थानाय 5 बोसोरनिफ्राय गोसोम फारिलाइआव जायगा आवग्रिदों। अदेबानि बिसोरनि फार्सेनिफ्राय आथोनारि उत्खारखौ होबथानो थाखाय जेबो थांखि लानाय जायाखै। इजराइल आरो रासियाखौ सांग्रांथि होनायनि गिबि खेबनि रिपर्टआव इजरइल

आरो रासियाखौबो आथोनारि उत्खारनि थाखाय दायनिगिरि होन्ना फोरमायो। इउएननि सांग्रांथि होनाय बादिब्ला, बे दरनै हादरफोरखौबो कैगौ बोसोराव गोसोम फारिलाइआव सोफानो हागौ। इउएननि बादिब्ला, इजरइलनि सान्थि आरो रैखांथि हान्जानि

सायाव गाहायै जेल आरो जिम्मायाव लाजानाय फिलिस्ताइनफोरखौ आथोनारि उत्खार खालामनायनि दाय दड। बेराफार्से रासियानि सान्थिफोरनि सायावबो इउक्रेन दावहारु फोरनि हें थायै दावहारु फोरखौ जिनाहारि खालामनायनि दाय दड।

2022 आव ट्राम्पआ हादतगिरि जायोमोनब्ला इउक्रेन-रासियाआव दावहा जानाय नडामोन: भ्लाडिमिर पुतिन

वाशिंग्टन, 16 आगस्ट : रासिया हादतगिरि भ्लाडिमिर पुतिनआ शनिबारखालि अलाक्साआव ट्राम्पजों लोगोसे जथुम्मा खुंनायनि उनाव प्रेस कन्फ्रेन्स खालामदों। पुतिनआ प्रेस कन्फ्रेन्सआव बुडोदि, जुदि 2022 आव डनाल्ड ट्राम्पआ



आमेरिकानि हादतगिरि जायोमोनब्ला इउक्रे नआव दावहा जानाय नडामोन। बिथाडा बुडोदि, ट्राम्पआ गिबियाव बिब्दिनो बुंबोवाय थादों आरो बिथाडा बेखौ गनायोबो। पुतिनआ मिबथि होयोदि, 2022 आव बिथाड बाइडेनखौ बुजायनो नाजादों मोनदि, जे'ना बारायलानायखौ होबथा नांगौ होन्नानै दा ट्राम्पजों लोगोसे बे लामायाव आवगायनानै जों इउक्रेनआव जानाय दावहाखौ होबथानो हासिगोन। बेयो जेसेबां हायो एसेबांनो थाब जायोब्ला मोजां। पुतिनआ बुडोदि, रासियानि रैखाथिया

बयनिखुइ गोनां थार, कैगौ मिर्टिआ मस्कआव जानांगौ। अलास्काआव सानै दैदेनगिरिफोरनि गेजेराव जथुम्मा खुंनायनि उनाव पुतिनआ ट्राम्पखौ बिनि हेफाजाब गिरिफोरजों सावराय लायनायनि थाखाय साबायखर होदों। पुतिनआ बुडोदि, कैगौ जथुम्माया मस्क'आव जागोन आरो बिथाड मिजिंथियोदि, इउक्रे न आरो इउरप अलास्काआव ट्राम्पजों लोगोसे बाश्ना सावरायलायनायखौ ख'हा खालामनो नाजानाय नड। बिथाड बुडोदि, गावजों गाव बुजिलायब्लासो इउक्रेनाव गोजोना कैगोन।

गिबि सिमां

बैसागु दमासि हाबा खेराइ बायदि फोर्बोंखौ दे रंजानि फै खुलुमनि दे मोसानि फै फालिनि दे फोरमायनि फै सिनायथिनि गिबि बार गुबै लामाखौ। बेनिखुइ साबसिन बाथौ गुदियाव आर'ज गावदों दांदुला हनै सोरांसि सोरांसि गारांया हब्रा-हब्रा रंजाफानो अखोरां सानि गिबि सिमांनि अनजालियासो दाबोनो सौफैआखिसै। सान गोरलैया सिरिमोनबाइ दुब्रि हाग्रानि बिदैया रानज्रिबाय थुमआ सोरांसि गेवलांबाय बिबार गाब बायदि बिरंफोरा रोजोब बारबाय। सायनासालियाव थुबुर जाबाय बे हारिया आसि थायसेनिखुइ थायनै एरबाय गेवलां बाबेनहां जरासे बेसेबा जाब-जुब बन्दक नड बाखिया थुबुर हगासार बोहैथि समाव गुब-गुब। खोमसिआव नड सोरांआवसो बै जुगाव नड नै बे जुगावसो रंजादे मोसादे हालो-दैलो।

फुंजा बर' गामि- गियानीपुर ला:सो:-झाहारबारि जिला- कक्राझार ,बि टि सि आसाम।

बिरखां मुसाहारी ला:सो:- नायकगाव गामि- मावरियागाव

रंजालि गथ'फोरनि सौरा

दुखु हांमा गियाननि फुंखा

(1)
मोनाबिलि खोमसियाव
मैंग्लिनाय दाउफोरा.....
बिरै-बिरै फैनानै,
जाबाय हनै लामा मोनै.....
गावनि बासाखौ,
मोनैनि दुखुयाव.....
मेगननि मोदैजों,
हनै.... गोदाव सोराव जालांबाय।
(2)
गोजाननि..... हाजो नों.....
नुहरो, मोजां जों.....
खाथियाव थांनानै,
नुबाय जों.... अन्थाय गोजा,.....
बिफांनि गेजेराव,.....
अन्थायप्रग, हारां-हाथां.....
माबादि जिराद जाखो,
हनै..... गिथाव-बाथाव जाथारबाय।
(3)
जुगनि हेर-फेराव.....
मैंग्लिनाय सुबुडबो.....
फैयै फैयै सौफैनाय,
आन्दाय फैबाय,लामा ससेयाव.....
गावनि न'खरखौ....
सिनायनो हायैलाय.....
जाम्बा जानानै,
हनै.... फैनो रोडखिसै दानियालाय।
(4)
मा- खालामबावनो
सानबाबो हालिया.....
गथ'फोरा गासिबो.....
गोजाव लांजोबबाय,
बिमानि दुखुआ.....
मोदैजों रथ'रथ'.....
मिथिंगाजों मिसिनानै,
हनै..... सानजों लोगोसे खोमसिलांबाय।

निजरा ब्रह्म गामि- खोला खारगाव जिल्ला-कक्राझार बि, टि, सि (आसाम)

नोंनि सेराव

हाथरखि अलंबार जौना थायो आंबो नोंजों अरायबो हास्थायो नोंजों थानो। हास्थायो नोंखौ मोन्नो अराय सम नोंखौ मोननो। नाथाय नों सोरखौबासो हास्थायो दा अरायनि थाखाय। बेखौ सानानैनो आं जानो लोंनो सुख गैला स'ना। माबोला नों आंखौ बुंनालागोन अरायनि थाखाय। नेनानै दं आं नोंनि अन्नायखौ हास्थायो आं नोंनि थाखायनो बोदोर जाबाय आं अरायबो जाखांफैबाय थायो नोंनि महर अरायबो नोंनि सेराव थानो हास्थायो आं सना मिस रनजिला बर' कक्राझार

सोंनाय:-
1. फिसा फिसा बिफां दालाइआव थखा थखि थायो आदा बाजैया जानो हायैनि सु सु सा सा खालामो मा बेलाय ?
2. फाफिल सायाव हरजायो दाय गैयाब्लाबो बुजायो मा बेलाय ?
3. आइथिं थोंसेल' दाव मैना मोसायो खैना खैना मा बेलाय ?
4. आइथिं आखाइ गैया जखा सुयै सुयै थाबायो मा बेलाय ?
5. आइथिंआव गावनो होन्ना गावयो नाथाय गन्थडवसो हाबयो मा बेलाय ?
6. हिन्जाव नड दखना गानो, मोसा नड मोसौ जायो मा बेलाय ?
7. हाजोनिफ्राय जौसिन मा बेलाइ।
8. बिदा-फंबाय साब्रै नाथाय खुगा हाला हाला मा बेलाइ ?
9. मोनथाम गां फुवारनानै दावब बिरु गोलोम बोथोराव सान हर गिदिडो। मा बेलाय ?
10. जाबाबो खु्रैसे जायाबाबो खु्रैसे।
11. जोनोमनिफ्राय जाबखो जाबखो गस्ला गानो। मा बेलाय
12. जेसेबां बोयो एसेबांनो सुडो। मा बेलाय
13. गुदि दं जोबनाय गैया। मा बेलाय
फिनाय:-
1.फानलु। 2. खाम। 3. गिसिब। 4.लेवार। 5.खिफिनाय। 6. मुसलीम। 7. मोजां मोन्नाय। 8. सालखुन्था। 9. सिलिं फेन। 10. साम'। 11. औवा मेवाइ। 12.सिगारेट। 13. सम।

उत्तम खुंगुर नार्जोरी दतमा

जोहोलावफोर

उजिदोंमोन जोहोलावफोर बर' हारियाव सान्थ हायै, दैमालु जोहोलाव, सोमदोन जोहोलाव आरो गुबुन गुबुन जोहोलावफोर। उजिदोंमोन नोंसोर जेब्ला जोहोलाव महर लानानै, फोसाबलांनो सान्दोंमोन बर' हारिखौ दावगाहोनो सान्दोंमोन। उन्दुना थानाय बर हारिखौ नाथाय थैनांबाय नोंसोर अबथिरा बैसोयाव। सोरबाबा दावहा थिलियाव, सोरबाबा सोरनियाबा फान्दायनायाव, बर' हारिनि सुथुरखौ फोजोबनो नाजानायाव, बर' हारिखौ फोजाखांनो नाजानायाव। रागा दाजोंसै बर' हारिखौ साव दाहोलांसै बर' हारिखौ, नोंसोरखौ जों मिजिं थियो सोरगोयाव आलो -आलो जिरायना थानो मोनो। आरो नोंसोर बादि इयुनाव, बर' हारियाव जोहोलाव उजि फिनो बेखौनो बोर सारमि हरो आं आसा खालामो।

अन्मुला बसुमतारि आफ्लागाव

नेवसिनानै दाथां अनजालि

नै अनजालि आंनि जिउनि नेवसिनानै दाथां नों आंखौ मुगैनानै दाथां सना.....। अन्नायखौ नाजाव आंनि गोसोनि गोसो गोर्बोआ खामो रोमो-रोमो नोंनि गोसोनि अन्नाय मोनैयाव। हास्थायो आं नोंखौनो मोन्नो, नोंनोथ' आंखौ बुंदोंमोन गोसो गोर्बोजों अन्नाय होनानै बेनोथ' नोंनि थार जारिमिन। नोंनि हायना महरावनो..... आंनि गोसोआ जेबो उदायला सिमांखौ लानानै बेसे गोबाव थांनानै थानो हाबावनो अन्नायखौ नाजाव स'ना आंनि गोसो गोर्बोनि।

उराय ब्रह्म गामि- सन्दपारा कक्राझार।

कलाइगाव खाजोना बेंखनारि मावख 'आव खारकानायारि आरो थिसनगिरिफोरनि जथुम्मा खुंफुंदों

उदालगुरि, 16 आगस्ट: दिनेँ बिटिसि सरकारनि बान्जायनायाव आरो फालांगि बिफाननि बान्जायनायाव आरो उदालगुरि जिल्ला खुंथाइजों लोगोसे एनआरडिएस मेनेजमेन्ट प्राइभेट लिमिटेडनि हेफाजाबआव कलाइगावनि खाजोना बेंखनारि मावख 'नि सावराय न'ब्लाडव ओन्सोलनि फालांगिरि, खारकानायारि आरो गावसुंथा हान्जानि सोद्रोमाफोरजों खारखानायारि आरो थिसनगिरिफोरनि मोनसे गोनांथार सावरायमेल खुंफुंनाय जायो। भारतरि रेड क्रस ससाइटि, उदालगुरि जिल्ला दालाइसानि नेहाथारि ड॰ मिलन दासनि सामलायनायाव खुंफुंजानाय मेलआव गाहाइ आलासि महरै बाहागो लानाने जिल्ला खारकाना आरो फालांगि मिरु उदालगुरिनि गाहाइ सामलायगिरि महाक्सि दत्त हाज 'रिकाया सरकारनि गुबुन-गुबुन बिथांखिफोरनि सोमोन्दै गुवारै फोरमायथिनानै होयो। फालांगिरि एबा खारकानायारिफोरनि थाखाय सरकारआ मावफुंनाय सरकारि हेफाजाब मोननो हानाय गुबुन-गुबुन बिथांखिफोर जैरै- गाहाइ मन्थ्रिनि थिसन्थाइ सोरजिग्रा हाबाफारि, गिबि मन्थ्रिनि गावखौनो फसंथाग्रा आसाम बिथांखि, बिटिआर सरकारनि



खारकानायारि, आबादारि, हांसो-दाव, अमा फिसिगिरि, गावसुंथा हान्जा बायदिफोरनो होबोनाय गुबुन-गुबुन आयदानि सायाव बिथाडा गुवारै बुंफोरनानै होयो आरो राइजो-राजाफोरनो बे बिथांखिफोरखौ आर 'ज खालामनो खवलायो। बेजों लोगोसेनो उदालगुरि जिल्ला रौंगीथि जोगाखां मिचननि मावफुं सामलायगिरि पारुक आहमेदआ मेलनि थांखिखौ सरकारआ खारकानायारिफोरनि सायाव बांसिन गोनांथि होनाय आरो खामानि गैजायै लाइमोनफोरखौ गुबुन-गुबुन बिथिडव फोरेंथाइ होनायनि गेजेरजों गुबुन-गुबुन बिथिनि

फिसा एबा गिदिर खारकाना गाइसन्नानै फालांगि खालामनायाव हेफाजाब खालामबोदों। बेनिखायनो बे फोरेंथाइफोरखौ मोनखानायनि उनाव साखिनि फारसे लामा नायालासेनो गावखौनो फसंथानायजों लोगोसे गुबुन सानैनोबो जाहाथे फसंथाइ होनो हायो बे थांखिजों दुलाराय

उनाव साखिनि फारसे लामा नायालासेनो गावखौनो फसंथानायजों लोगोसे गुबुन सानैनोबो जाहाथे फसंथाइ होनो हायो बे थांखिजों दुलाराय

एमपि दिलिप सइकियाआ गुबुन-गुबुन आफाद फसंथान मावख 'फोरनो एमपि पाण्ड बिथांखिनि गनायथिलाइ रन्दों

उदालगुरि, 16 आगस्ट: उदालगुरियाव दरं-उदालगुरि लक सभा बियाबनि एमपि दिलिप सइकियाआ दिनेँ बिजेपिनि मावख 'आव एमपि पाण्डनि गनायथिलाइखौ रन्नानै हरो। उदालगुरि जिल्लानि मोन 10 काउन्सिल बियाबनि मोन 112 फसंथान मावख 'फोरनो 2025-26 बोसोरनि सिडव 3



कोटि 46 लाख रानि गनायथिलाइखौ रन्नानै हरो। बिटिआरनि मोन 6 बिधान सभा बियाबनि मोन 59 फसंथान मावख 'फोरनो 5 कौटि रानि बिथांखिनि गनायथिलाइखौ रन्नानै हरो। बेबायदिनो गुसुं समनि गेजेरावनो फाहामथाइ सिबिथाइनि थाखाय अन्सुंथाइनि सेक रान्नानै

बिटिआरआवनो बे बिथांखिखौ सामलायबाय थानाय जादों होन्ना फोरमायो। दिनेँनि बे हाबाफारियाव कलाइगाव फालांगिरि गौथुमनि आफादगिरि सुसिल सर्मा, नेहाथारि नयन नाथआ लिंहरजानाय आलासि महरै बाहागो लायो। बेनि अनगायैबो कलाइगावनि लाइमोन दैदेनगिरि दिपांकर उजाजों लोगोसे ओन्सोलनि फालांगिरि गावसुंथा हान्जानि आइजोफोरा हाबाफारियाव बाहागो लानानै जाफुंसार खालामो। कलाइगावनि खाजोना बेंखनारि बिबानगिरि छ प्रियंका बिनियाआ गावनि मावख 'आव बे हाबाफारिखौ मावफुंनो होनायनि थाखाय बिफाननिफ्राय साबायखर बाउहरो।

हरनाय जागोन होन्नानैबो एमपिआ फोरमायदों। बिजेपिआ बिटिआरनि बिसायख 'थियाव मोनबेसे बियाबआव बिजाथि फसंगोन बेनि दिनेँसिमबो थिरंथा लानाय जायाखै होन्ना फोरमायनानै सुबुंफोरनि हेफाजाब आरो मावसुमाफोरनि नांथाबनायखौ नायसंनानै थांखि लागोन होन्ना फोरमायो।

हाग्रामा महिलारिआ बि पि एफ आरो इउ पि पि एल गोरोबलायनायनि उलथा मिरुआव दइ: इउ जि ब्रह्म

मुसलपुर, 16 आगस्ट: इउ पि पि एल आरो बि पि एफ दोलोनि गेजेराव गोरोबलायनायनि सायाव खौरां बिजोंनि गेजेरजों खौरांगिरिनि सोंथियाव आसामनि केबिनत मन्थ्रि उखावि गोरा ब्रह्मआ बाक्सा जिल्लानि बरबरियाव आगनबाडि मिरु बेखेवनाय हाबाफारियाव बाहागो लानानै फोरमायोदि, हाग्रामाया इउ पि पि एल बि पि एफ दोलोनि गोरोबलायनायनि उलथा मिरुआवसो दं। एबसु आरो मोन जिद 'बर'नि माहारियायि आफादफोरा इउ पि पि एल आरो बि पि एफ मोननैबो दोलोखौ सावरायनायनो लिंदोंमोन। इउ पि पि एल दोलोआ मोन जिद 'गौथुमफोरजों जिरायबाय आरो जों बुंदों सावरायनायनि गेजेरजों मा जायो इउ पि पि एल दोलोआ खौसे जानायनि थाखाय थियारि। नाथाय खुंथाइ गोहोयाव थानाय हिसाबै निउ सियारखौ मोननांगौ बेनि थाखाय सावरायनो जिरायनांगौ। बेनि उनाव हाग्रामाखौ एबसु जों लोगोसे मोन जिद 'बर'नि माहारियायि आफादफोरा सावरायनो 12 आगस्ट खालारआव लिंदोंमोन। नाथाय 12 खालारखौ नेबाय थाया लासै बिथाड बिजाथिनि फारिलाइखौ सिगांग्रो फोसावना होयो। बेनि उनाव बिथाड खौसेनि थाखाय सावरायनो गोनांखौ बन्द खालामना होयो। बेनि उनाव बेयो ओरैरैनो ब्लेम गेम गेलेबाय दं। हाग्रामा महिलारीआ दायो गनायजाथाव सुबुं नंलिया। फोथायथाव राजखान्थि दैदेनगिरि बो नंलिया। मानोना बिथाड



राइजोफोर, गावनि दैदेनगिरि आरो मदद गिरिफोरखौबो नंखाय बांसावगासिनो दं। बिथाड बुंदों दि, गाव खुंथायाव फैगोन। बिथाड मोनसे बाथ्थनि गेजेराव थानानै बिसायख 'थि गेलेनो थांगासिनो दं। गोहोआव फैनो थाखाय बिसायख 'थि गेलेनो नागिराखै। बारग 'नानै थानो थाखायसो बिसायख 'थि गेलेगोन। जियानो जाया बिथाड बेरेखा हिसाबै मोजां खामानि मावबाय थायोब्ला जेबो बुंनांगौ गैयामोन। नाथाय बिथाड बेरेखा हिसाबैबो खामानि मावाखै। जुदि मावदोंब्ला सोरनि हेंथायै बेरेखा खालामदों। जुदि इउ पि पि एल दोलोनि हेंथायै बि टि सि आव मावदोंब्लाबो थिगानो दं। हादरसायाव सोरनि हेंथायै बेरेखा खालामदों। रावबो दोलोनि बेरेखायै गैया। दिनेँ बि टि सिआव ब्रै खावसे बोसोर बरलांबाय। दिनेँसिम बेरेखा दोलोनि दैदेनगिरि महरै खनसेबो बि टि सि एसेमब्लिआव जिरायखैसै बाथ्राबो बुंफेरासै। जुदि सासे सुबुडा खुं गिरि महरै जाफुंसारनांगौब्ला आरो राजखान्थि दैदेनगिरि महरै जाफुंसार नांगौब्ला अब्ला बिथाड खुंगिरि महरैबो जाफुंसार नांगोन आरो बेरेखा दोलोनि दैदेनगिरि महरैबो जाफुंसारनांगोन। बिदिन्थि महरै अटल बिहारी भाजपेयी बायदि

सुबुडाबो बेरेखा दोलोआवबो थादोंमोन शनिया गान्थिआ दिनेँ बेरेखा हान्जनि दैदेनगिरि। हाग्रामा महिलारी सोरनिबा बोराव 2005 इं माइथायाव सिफ जानो मोन्नाया मोनसे खाफालनि खोथामोन। राजखान्थि भाबै जुजिनानै नडामोन। नाथाय बिथाड दिनेँ बेरेखा दोलोआव थानानैबो बेरेखा हान्जानि बिफावखौ लाफेराखैसै। बिथाड एसेमब्लिनि बाहेरावनो बांसिन सम हगारबाय। दोलोनिबो खामानि मावाखैसै। 2024 नि जि एम पि बिसायख 'थियाव सिगां समआव माबा माबि बुंनानै गोवां गेदेर गेदेर खोथा बुंदोंमोन। नाथाय बिसायख 'थिनि साननैसोनि सिगांनिफ्रायनो गोमाना थाबाय। गावनि बिजाथिनि थाखायबो ओंखाराखैसै। बे बारावबो सिं सिं लाखुमानानै खामानि मावगासिनो दं आरो बिसायख 'थिनि सानबासो सिगां आवसो बिथाड मा थांखि लानानै खामानि मावगासिनो दोलोनि मावथिफोरा मोनथिनो मोनगोन। बिथां इउ जि ब्रह्मआ हाग्रामा महिलारीखौ अजद लाबोनानै बुंदोंमोनदि, बिथाड बि पि एफ दोलोखौ खुंथायाव लाबो फिन्नो खामानि मावाखै राजखान्थि मावाखै। बिथै थाखुमानाय एजेनडा लानानै खामानि मावगासिनो दं। बियो बाथ्थआव थानाय सुबुं।

कक्राझारनि निसान्त शर्माआ मोन्थाम रुबिक्स क्युब समाधान खालामनानै "इण्डियन बुक अफ रेकर्ड" बिमुं आरजिदों

शर्मा होन्नानै सिनारिथिनो हानाय जादों। मख 'नो गोनांदि, कक्राझार दन बस्कु' फरायसालिआव थाखो 8 आव फरायबाय थानाय निसान्त शर्माआ फारियै 2*2, 3*3 आरो 4*4 खौ 1 मिनिट 58 सेकेण्डल 'आव मोन्थाम रोखोमनि रुबिक्स क्युबखौ समाधान खालामनानै आइबिआरनि बिमुं आरजिनो हादों। मख 'नो गोनांदि, खौरां बिजोंनि सिगाडव निसान्तआ गावनि बिदानिफ्राय बेनि सोमोन्दै उन थुलुंगाखांदों होन्नानै फोरमायदों।

कुमारिकातानि सप्ताहयारि हाथाइआव कंग्रेसनि आफादगिरि गौरब गगैआ दावबायफैदों

शर्माआ तामुलपुर जिल्लानि जामगुरि, नाग्रिजुलि, नावकाताआव दोलोआरि मावफारिया मेलआव बाहागो लाफैनायनि उनाव दिनेँ बेलासि समआव गेदेरथार गोवां गारि लानानै तामुलपुरनि कुमारिकाताआव आसाम प्रदेश कंग्रेस कमिटिनि आफादगिरि गौरब गगैआ नुजाफैदों। नावकाताआव मोनसे राइज्योआरि मेलआव बाहागो लाफैनानै बिथाड नाग्रिजुलि आरो उनाव कुमारिकाताआव दावबायफैयो। आफादगिरि गौरब गगैआ कुमारिकाता सप्ताहयारि हाथायाव हाबफैनाय लोगो-लोगो बिथांखौ नायनो माखासे हौवा-आइजो, बैसो जानाय, सेंग्रा सिख्लाफोरा होंगो-दोंगो खालामो। गौरब गगैआ हाथायाव ओंखारना दावबायनानै सरासनन्हा राइजो-राजाफोर, गलादारफोर, लामा दावबायगिरिफोरजों थोंजों आखाइ हमलायना लोगो हमना सावरयलायो। दैदेनगिरिया राइजो-राजाफोरखौ थांखिना बुंदोंदि, बिजेपि सरकारआ भिचिडिचिआव गेनाखान्थि जानायनि अजद दैखांदों, नाथाय डिसपुरआव सोरनि सरकारआ दइ? दिल्लीआव सोरनि सरकार दइ? बेबायदि होन्नानै गिबि मन्थ्रि ड॰ हिमन्त बिश्व शर्माखौ सोंखारियो। गावनि बिबुंथियाव गगैआ बुंदोंदि, कंग्रेस दोलोआ राइजो-राजाफोरनि थाखाय राजखान्थि खालामदों। लामा जौगाखानायनि थाखाय राजखान्थि खालामदों। गावआरि मुलाम्फानि थाखाय राजखान्थि खालामाखै। एमएलए दिगन्त बर्मनआ बिटिसि बिसायख 'थियाव गासैबो रोखोमखौ हेफाजाब होगोन। गौरब गगैखौ तामुलपुर जिल्ला कंग्रेसनि आफादगिरि जसवन्त चौहान, आसाम प्रदेश कमिटिनि गाहाइ नेहाथारि जेहेरुल इस्लाम, आसाम प्रदेश कंग्रेसनि लेडाइ आफादगिरि प्रानेस्वर बसुमतारि, बरकेत्रि बियाबनि एमएलए दिगन्त बर्मन, कंग्रेसनि दैदेनगिरि प्रद्युत भुजाजों लोगोसे मिरु आफादन माखासे दैदेनगिरि-मावफारिया आरो जायगानि कंग्रेसनि दैदेनगिरि मावफारियाफोरा हेफाजाब होदों।

No. TECH- 05/SE(B)/E-Tender/2021-22/Pt-III/52, Dated. 14/08/2025.

Tender No. 561 of 2025-26

PRESS NOTICE INVITING TENDER

The Superintending Engineer, PWD Kokrajhar Building Circle, Kokrajhar on behalf of Governor of Assam invites bids from approved and eligible Contractors registered with Public Works Department (Building), Assam/Contractors registered with Bodoland Territorial Council in the category of Class-I(A,B&C) & Class-II for the 2 (Two) nos. of works amounting to **Rs.62,62,800.00** (Rupees sixty two lakh sixty two thousand eight hundred) only with a bid validity of 180 (one hundred eighty) days from the date of opening of the tender.

Details may be seen at website <http://assamtenders.gov.in> and also in the office of the undersigned during office hours.

The Press Notice will be a part of the Bidding Documents.

Note :

i) N.IT Value is inclusive of GST, Labour cess etc.

ii) Pre-Bid Meeting will be held on 27.08.2025 at 11.00 A.M. in the office chamber of the undersigned.

iii) Bid submission closing date 05.09.2025 upto 1.00 P.M.

Sd/-Superintending Engineer

PWD (R&B) Circle, Kokrajhar.

IPR(BTC)/C/2025-26/2636

No. TECH- 40/SE(R&B)/E-Tender/2020-21/Pt-II/51, Dated. 14/08/2025.

Tender No. 195 of 2025-26

PRESS NOTICE INVITING TENDER

The Superintending Engineer, PWD (R&B) Circle, Kokrajhar on behalf of Governor of Assam invites bids from approved and eligible Contractors registered with Public Works Department (Roads), Assam/Contractors registered with Bodoland Territorial Council in the category of Class-I (A,B&C) & Class-II for 4 (four) Nos. of works for bid amounting to Rs.4,35,44,800.00 (approx) (Rupees four crore thirty five lakh forty four thousand eight hundred) only.

Details may be seen at website <http://assamtenders.gov.in> and also in the office of the undersigned during office hours.

The Press Notice will be a part of the Bidding Documents.

Note :

i) N.IT Value is inclusive of GST, Labour cess etc.

ii) Pre-Bid Meeting will be held on 27.08.2025 at 11.00 A.M. in the office chamber of the undersigned.

iii) Bid submission closing date 05.09.2025 upto 1.00 P.M.

Sd/-Superintending Engineer

PWD (R&B) Circle, Kokrajhar.

IPR(BTC)/C/2025-26/2633

बासुगावआव बायदि हाबाफारिजों उदांस्त्रि सान फालिदों

लामा हान्जा सुरनाया बयनिबो गोसोखौ बोनो हादों

बासुगाव, 16 आगस्ट: हादर नाडै जों लोगोसेनो चिरां जिल्लानि बासुगावआव बायदि आफाद-फसंथानआ हादतनि 79 थि उदांस्त्रि सानखौ मैया सक्रुबार (15 आगस्ट) खालि फालिदों। बेबायदिथाव 'थार्ड आइ कम्पिउटर एडुकेसन चेन्टर'आवबो उदांस्त्रि सानखौ फालिनाय जायो। बासुगाव गौरियमठनि मठाधक्ष्य श्रीधर महाराजा फिर्फिला बिहोनानै उदांस्त्रि साननि हाबाफारिखौ गोथारै बेखेवना होयो। लाइमोन समाज सिबियारि पिजुज बर्मनआ सामलायनाय हाबाफारियाव आजिरा मोन्नाय फोरोंगिरि, समाज सिबियारि करेन्द्र चन्द्र दास, लाइमोन फालांगिरि बिप्लव रायमोनहा जर'खायै थार्ड आइ कम्पिउटर चेन्टरनि बिगोमा प्रदिप सरकारनि फारसे बोसोफ्रोमबो उदांस्त्रि सान, सुबुंखान्थि सान बायदि फालिबोनायजों लोगोसे फरायसाफोरखौ इयुन समआव साबसिन्थारै दावगालानायनि थाखाय बायदि थांखि लाबोनायाव साफ्रोमबो साबायख 'र होनायजों हामलायथि बाउयो। बेनि उनावनो हांखायहरजानाय आलासिफोरनि आखायजों थानाय समआव गुन गोनाडै कम्पिउटर डिप्लमाआव उथ्रिनो हानाय फरायसाफोरनो फोरमान



बिलाइबो गथायना होयो। कम्पिउटर चेन्टरनि बिगोमा प्रदिप सरकारआ बाहागो लाफैनायाव आलासिफोरखौ गामसाजों बराय मान बाउदों। गुबुन फारसे शिबसेनानि दैदेनगिरि शिब चन्दनि दैदेननायाव फुं समआव माहारियायि फिर्फिला बिहोनाय सोहोरआव इ-रिक्साजों उदांस्त्रि सानखौ लोब्बा लानानै हान्जा सुरनाय हाबाफारि खुंनाय जादों। बेबायदि समआव निखावरि-दुखुथिया थाखोनि आइजोफोरनि गेजेराव शारी जि गथायनाय, फरायसाफोरनि गेजेराव लिरगा खाथा, कलम गथायनाय बायदि हाबाफारि खुं नाय जायो। मिजिंथिनायनिखुइ बांसिन अन्जिमानि सुबुंफोरनि थुबुर जाफै नायाव शिबसेनानि दैदेनगिरि शिब चन्दआ गोजोन्नाय फोरमायदों। लोगोसेनो बासुगाव आन्सलिक कमिटि सिपिआइ (एम) दोलोआबो उदांस्त्रि सानखौ फालिदों। बासुगाव आन्सलिक

कमिटिनि नेहाथारि प्रपुल्ल बिस्वासआ सामलायनाय हाबाफारियाव आबादआरि आफाद कक्राझार जिल्लानि नेहाथारि कमल बर्मन, गुबुन सासे लेफ्ट प्रन्ट दैदेनगिरि बिस्वनाथ राय, कलेन रायमोनहा खुंथाइआव थानाय बिजेपि सरकारनि खामानिफोरखौ लानानै बिबुंथि होना हिन्दु-मुसलमान धोरमआरि बोखावनायनि राजखान्थि खालामनाय खामानिखौ सोंखारियो। बेबायदि राजखान्थिआ गोबाव सानसिम थाया होन्नानैबो बिथाडा बुडो। सोहोरआव थानाय बासुगाव गुदि देहा मिरु, बासुगाव पुलिस थाना, बासुगाव गुरुकुल नेशनेल स्कुल, बासुगाव प्रेश क्लाब, सोहोरनि फरायसालि-फरायसालिमा बायदि आफाद-फसंथानफोराबो बायदि हाबाफारिजों उदांस्त्रि सानखौ फालिदों।

डिलार इन्द्र महन बसुमतारिआ जोबथा हां बोबाय माखासे अन्सायगिरिफोरनि नुजाथिफैनायाव जोबथा बिदाय होबाय

बासुगाव, 16 आगस्ट: कक्राझार जिल्ला सालाखाथि पुलिस आउट पस्ट आरो कारिगाव तारं सेरफां भिचिडिचिनि सिडव थानाय लाथागाव-सुतारपारा गामनि डिलार लाथागाव गामनि थागिरि इन्द्र महन बसुमतारि(55)आ थांनाय हरनि 9:30 रिंगाआव जोबथा हां बोबाय। मख 'नो गोनादि, बालाजान समबाइ समितिनि सामलायथाइआव डिलार महरै खामानि मावनायजों लोगोसे रंसारि बसुमतारिआ कारिगाव तारं सेरफां भिचिडिचिनि बुथ कमिटि बिपिएफनि सासे लेडाइ आफादगिरि महरैबो खामानि मावनायजों ओन्सोल नाडै नो बयजोंबो समाज सिबियारि महरै गोरोबलायनानै बयजोंबो अन्सायजादोंमोन। थांनाय सप्ताहसे सिगां देहायारि थासारिया हरखाबै गाजि जानायनि जाहोनाव कक्राझार फाहामथाइ फरायसालिमा आरो फाहामसालियाव थिसनजानानै देहा थासारिया गाहामाव फैनायाव न'आव थाफैदोंमोन। जायनि उनाव मैया बेलासिनि 3:00 रिंगासोआव डिलार इन्द्र महन बसुमतारिनि देहा थासारिया गाजि जाफिन्नायाव फिन कक्राझार फाहामथाइ



फरायसालिमा आरो फाहामसालियाव थिसनहैफिन्नाय समआव बिथाडा जोबथा हां बोयो। बिथांनि अबथिरायै रंसारि जानायाव दिनेँ फुं समआव रंसारि जानायनि नख 'रआव बालाजान समबाइ समितिनि मावफारियाफोर आरो कारिगाव तारं सेरफां भिचिडिचिनि बुथ कमिटि बिपिएफनिफ्राय दैदेनगिरि-मावफारिया-सोद्रोमाफोरा नुजाथिफैनानै दिनेँ जोबथा मान बाउफैयो। जोबथा हां बोनाय समआव बयजोंबो मिबथिसारजानाय सुबुडा बिबिस आरो फिसाज्ला सानैजों लोगोसे नख 'रआरि आरो आंगोनि अन्सायारिफोरखौ बे संसारनिफ्राय नागारलाडो। जायनि उनाव जायगानि राइज्योआरि गोथै सालिआव धोरमआरि नेमखान्थिनि गेजेरजों माखासे अन्सायगिरिफोरनि नुजाथिफै नायाव जोबथा बिदाय होयो।

प्रनेशआ चेन्नाइ ग्रेन्ड मास्टार्सनि बिमुं देरहाबाय

गोदान दिल्ली, 16 आगस्ट: भारतनि ग्रेन्ड मास्टर एम प्रनेशआ जोबथा राउन्डआव मोजाडै दिन्थिफुं नो हायाखैब्लाबो क्वान्टामबक्स चेन्नाइ ग्रेन्ड मास्टरआव सेलेन्जार्स केटेगरिनि बिमुंखौ देरहाबाय। बेराफार्से मास्टार्स केटेगरिआव गावनि बिमुंखौ सिगांनो रैखाथि होनाय थाखोसिम सौहैनाय भिन्सेन किमरआ रे रबिनसनखौ गोलेँयै फेजेन्नानै गावनि अभियानखौ फोजोबनो हायो। किमनआ बे देरहानायाव 25 लाख रां बान्था मोनबाय। बिथाडा थांनाय बृहस्पतिबारखालिनो बिमुं देरहागोनखौ रोखा खालामनो हादों। जायनि जाउनाव



गासैनबो नोजोरआ सेलेन्जार्स के टेगरिआव गोर्लैदों। बे केटेगरिआव माखासे उन-सिगां जानायखौ नुनो मोन्दों। मानोना बेयाव पा इनियनआ अबिमान्यु पुरानिकखौ आरो अदिबान भास्करणआ लियन ल्युकखौ फे जेन्दों। लियन आरो अबिमान्युआ बे समाव नैथि

मासिआव जायगा मोन्दों। दिप्तायन घष आरो आरियान चप्राआबो फारियै भैशाली रमेश बाबु आरो ड्रनाभल्ली हरिकाखौ फेजेन्नानै आवगायदों। प्रनेशआ जोबथा राउन्डआव जिबि हर्षबर्धनजों जेन्नादों।

शिक्षा दि गुरुकुलनि बान्जायनायाव सरुपेता मारातन खारनाय हाबाफारि खुंदों

भबानिपुर, 16 आगस्ट: सरुपेतानि सोलौंथाइ फर्सथान शिक्षा दि गुरुकुल (महातेजा ट्राष्ट हान्जा) नि बान्जायनायाव उर्दास्त्रि सानखौ लोब्बा लानानै मैया सक्रुबारखालि 'सरुपेता मारातन खारनाय' बादायलायनाय खुंनाय जादों। फुंनि 5:00 रिगानिप्रय भबानिपुर सकनिप्रय सरुपेतानि नागिनीकुरसिम 7 कि:मि: जान्थाइआव खुंजायनाय सरुपेता मारातन खारनाय बादायलायनायखौ फिरफिला बिरहोनानै बेखेवना होयो भबानिपुरनि आजिरा मोन्नाय गुन गोनां फोरेंगिरि आरो जर'खा समाज सिबियारि



बाबुल डेकाआ। बेखेवनाय हाबाफारियाव शिक्षा दि गुरुकुलआव बिथोनगिरि धनन्जय तालुकदार, गुन गोनां फोरेंगिरि रानुजित दासमोनजों लोगोसे माखासे जर'खा सुबुंफोर आलासि महरै बाहागो

लाफैदों। मारातन खारनाय बादायलायनायाव हौवा दालायाव भास्कर रायआ सैथि जायगा, आब्दुल आलीआ नैथि जायगा आरो आकेर आलीआ थामथि जायगा मोन्नो हादों। आइजो दालायाव जेबिन

सुल्तानाआ सैथि, जान्मनी पाठकआ नैथि आरो पुनम के रकातारि आरो मौसुमि मायुकमोनहा थामथि जायगायाव थादों। बादायलायनायनि उनाव बान्थाफोरखौ हाबाफारि बायदियै गथायनाय जादों। बेनि अनगायै

शिक्षा दि गुरुकुलनि बान्जायनायाव सोलौंथाइ ब। द। य। ल। य। न। य। ख। य। सक्रुबारखालि सानसेनि गोसो बोनो हानाय हाबाफारिजों भारतबर्षनि 79 थि उर्दास्त्रि सानखौ फालिनाय जादों।

मनु भाकरआ पद्मश्री बान्थानि थाखाय आर'जलाइ गथायदों



गोदान दिल्ली, 16 आगस्ट: शुट्टिनि मुलुगआव भारतनि मुंखौ जर'खायै मिथिसार होनाय गल्डेन गार्ल मनु भाकरआ पद्मश्री बान्थानि थाखाय आर'जलाइ गथायदों। खेल रत्न, अर्जुन बान्था आरो मेजर ध्यानचान्द बान्था बादि हादरनि गोजौ थाखोनि गेलेमुवारि बान्ताजों मान होजानाय आइजो शुटार भाकरआ बे खेबआव पद्मश्री बान्थानि थाखाय आर'जलाइ गथायदों। जेराव मनुखौ सोलिफु बोसोरनि 17 जानुवारिखालि हादरगिरि द्रौपदी मुर्मुआ खेल रत्न बान्थाजों मान होदों। थांनाय साननैसो सिगां मनुआ काजाकिस्तानआव जालांनाय एसियान सेम्पियनसिपआव बाहागो लानो सौहैदों। जेराव बे सेम्पियनसिपआ दिवै 16 आगस्टनिफ्राय 30 आगस्टनि गेजेराव खुंजागोन। बेनि गेजेरजोंनो मनुआ 2027-28 आव भारतआव खुंजानो गोनां वर्ल्ड कापनि थियारिखौ जागायगोन। 2027-28 आव आइएसएसएफ वर्ल्ड काप आरो जुनियर शुटि वर्ल्ड सेम्पियनसिपखौ भारतआ बान्जायगोन। जेराव भारतनि गेलेगिरिफोरा राइफल, पिस्टल आरो शटगान इभेन्टफोराव गोखोडै दिन्थिफुंनो नाजागोन। मनुनि बिफाया सासे नेभि अफिसार आरो बिमाया नख'र बेग्रा। 2024 नि पेरिस अलिम्पिकआव मनुआ सिंगेल आरो टीम इभेन्टआव गनै मेडेल लाबोनो हादों। बेनि सिगां हारिमायारि थाखोआव बिथाड 2018 आव जालांनाय इथुथ अलिम्पिकआवबो गंसे सना आरो रुफा मेडेल देरहादों।

प्र: काबाडि लीगनि 12 थि सिजनआ जागायनायनि लामायाव

गोदान दिल्ली, 16 आगस्ट: प्र काबाडि लीगनि 12 थि सिजनआ फै गौ 29 आगस्टनिफ्राय जागायगोन। जेराव बेनि फाइनालआ 23 अक्टबरआव जागोन। बेनि थाखाय गासैबो हान्जाफोरा गावसोरनि थियारिफोरखौ गोखौंसिन खालामदों। जायनि फारिआव माखासे हान्जाफोरा गावसोरनि सिगांनि केप्तेनखौनो बिबानआव थिसनफिन्दों। नाथाय माखासे हान्जाफोरा दासिमबो मुंखौ फोसावथ'याखै। बेबादि समावनो इउपि यद्दाआ गावसोरनि केप्तेन आरो लेडाइ केप्तेनखौ रोखा खालामदों। बे हान्जाआ जानो गोनां 12 थि सिजननि थाखाय सुरेन्द्र गिलनि जायगायाव सुमित सांवानखौ केप्तेन खालामदों। बेराफार्से आसु सिंहखौ लेडाइ केप्तेन सायख'दों। सुरेन्द्रआ काबाडि लीगनि 11 थि सिजनआव इउपिनि केप्तेन बिबानआव थादोंमोन। सुमित आरो आसुआ



प्र काबाडि लीगआव 7 थि सिजननिफ्रायनो इउपि यद्दाजों गेलेबोदों। गावनि जाफुंसारनाय, टाइमिं आरो इन्टेलिजेन्सनि थाखाय मिथिजानाय सुमित सांवानआ टप डिफेन्डरफोरनि गेजेराव जायगा मोनो। आसुआ बांसिनै डिफेन्डर महरै कभारआव ओंखारो। हान्जानि गाहाइ कच जसबीर सिंहआ सुमित आरो आसुखौ गोखों गेलेगिरि महरै बिसोरखौ नंगुबै दावहारु फोरमायदों। जेराव बिथांमोननि गिबि गेलेबोनाय मेचनिफ्रायनो गोखों गोहोजों गेलेबोनायखौ बाखायदों।

लन्डन, 16 आगस्ट: बारा' सेम्पियन लिभारपुलआ गोखोडै बादायलायनाय मेचआव बेयानमाउटखौ 4-2 स्करलाइनआव फेजेन्नानै प्रिमियर लीग फुटबलआव देरहानायजों जागायदों। जेराव बे हान्जाया देरहानायजों डियग' जटाखौ बिदाइ होदों। गरनै गलआव सिगां जानाय उनाव लिभारपुलनि जानानै 88 मिनिटआव फेडेरिक' सिएसा आरो स्टपेज समाव महम्मद सालाहआ गल सोदों। बेनि सिगां हुग' एकितिके आरो कदि गाकप'आ लिभारपुलखौ 2-0 स्करलाइनआव आवागयाहोदोंमोन। बे मेचआ 28 थि मिनिटआव दसे समनि थाखाय दोन्थ'जादों। मानोना बे

बे लीगआ 24 डिसेम्बरसिम गुप स्टेजनि मेचजों आवगायगोन। जेराव लीगनि फाइनाल बादायनाया 16 मेखालि जाहैगोन। बे टुर्नामेन्टनि डूखौ नुनानै भारतनि अन्सायगिरिफोरा नायनो उसु-खुथु जासिननो हमदों। मानोना बेयाव क्रिस्टियान स्नाल्ड बादि गिदिर स्टाफोरखौ नुनो मोन्नो हागौ। स्नाल्डआ थांनाय बोसोरनि 5 सेप्तेम्बरखालि क्रएसियानि हेंथायै बादायनायाव गावनि केरियारनि 900 थि गलखौ आबुं खालामदों।

लिभारपुलआ प्रिमियर लीगआव देरहानायजों जागायदों

समाव बेयानमाउटनि फरवार्ड एन्टनी सेमेन्यआ रेफारि एन्टनी टेलारजों माखो दान्थे-बिदान्थे जादोंमोन। मानोना बै समाव सासे नायगिरिआ गेलेगिरिनि

सायाव गाञ्जि राव बाहायहरदोंमोन। सेमेन्यआ मेचनि 64 आरो 76 मिनिटआव गल सोनानै लिभारपुलखौ 1 सिल्भाआ थांनाय 3

जुलाइखालि मोनसे लामानि जाब्रथायाव जिउ गोमानायनि उनाव बेयो हान्जानि गिबि मेचमोन। बे मेचनि जागायनाय सिगां नायगिरिफोरा आखाइयाव बिसोर सानै रूसारि जालांनाय गेलेगिरिफोरनि थाखाय डिजे 20 आरो एस 30 नि प्लेकार्ड लानानै मान होदों। लिभारपुलनि गेलेगिरिफोरा बे समाव फोथारआव रूसारि जालांनाय सानै गेलेगिरिनो मान होदों। जेराव मोननैबो हान्जानि गेलेगिरिफोर आरो स्टाफआ आखाइ आखान्थिआव गोसोमे बेस खादों। जेराव बे मेचनि जोबथा रेफारि सुनायनि उनाव सालाहआ दुखुनि मोनै हुगारदों।